

ძალის სამეცნიერო ბიბლიოთის წლიული
ANNUAL OF KUTAISI SCIENTIFIC LIBRARY

VIII

2016

მარიამ კობერიძე

შერეილები მეტყველება ქართველ მოზგაურთა
ჩანაწერები (გურაბ შარაშენიძე
"შერეილები გურჯები")

ზურაბ შარაშენიძე 1965 და 1967 წლებში სამსახურებრივი მივლინებით იმყოფებოდა ირანში. მან პირადად გაიცნო და ახლო ურთიერთობა ჰქონდა ფერის ქართველებთან. 1979 წელს დაიბეჭდა მისი მონოგრაფია "ფერის ელი გურჯები", რომელშიც მან თავი მოუყარა ფერების შესახებ არსებული ისტორიული წყაროების მონაცემებს, ჩაწერილ ტექსტებს, პირად დაკვირვებებსა და ქართველ და უცხოელ მოგზაურთა შთაბეჭდილებებს, რომელთა ნაწილი ან გაბნეულია სხვადასხვა სტატიებსა და პერიოდული პრესის მასალებში, ან კიდევ ბიბლიოგრაფიულ იშვიათობად არის ქცეული. ნაშრომს თან ახლავს ფერის ელი ტექსტები და მცირე ლექსიკონი.

განსაკუთრებით საინტერესოა ფერების ქართველების — ყოლაშ - რეზა ხუციშვილის, ყოლაშ - ჰილენ ანიკაშვილის, მოპამედ მაყაშვილისა და სეიფოლა იოსელიანის საქართველოში ჩამოსვლის ამსახველი მასალები ("დროება", 1872; ზ. ჭიჭინაძე, 1995; "დროება", 1876; ზ. შარაშენიძე, 1969; 1979). აღსანიშნავია ლადო აღნიაშვილის, ამბაკო ჭელიძის, პ. ლორთქიფანიძის, იური მარისა და სხვა ქართველი მოგზაურების დაკვირვებანი ფერების ელი მეტყველებაზე და მათ მიერ ჩაწერილი ტექსტების მნიშვნელობა ენათმეცნიერებისათვის (ლ. აღნიაშვილი, 1896; ა. ჭელიძე, 1935; "სახალხო ფურცელი", 1916; ი. მარი, 1936).

ფერების ქართველების შესახებ საინტერესო სტატისტიკურ მონაცემებს გვაწვდის ირანელი გენერალ-მაიორი ალი რაზმარა 1949-1954 წლებში თეირანში გამოქვეყნებულ თავის ათტომიან ნაშრომში - "ირანის გეოგრაფიული ლექსიკონი" ("ფარპანგე. გოლრაფია-ე ირან"). მისი ცნობით, ფერების შაპრესთან ში თორმეტი ქართული სოფელია: **ზემო მარტყოფი/ახორე ბალა, ქვემო მარტყოფი/ახორე ფაინი, სიბაქი, ჭაყ-ჭაყი, ჩუგიურეთი/ჩუღურეთი, აფუსი/რუსისბირი, ბოინი, დაშქესანა, აღჩა, ბადეჭანე/ახორე, დაუგანი (დაქანი), შეშქავანი.**

ქართველ მოგზაურთა ჩანაწერებში ფერების ქართული სოფლების რაოდენობისა და სახელწოდების შესახებ განსხვავებული ცნობებია მოცემული.

ლადო აღნიაშვილი იყო პირველი ქართველი მოგზაური, რომელმაც 1894 წელს მოინახულა ფერებიდან და გაიცნო იქაური ქართველების ყოფა-ცხოვრება. "სწორედ ლადო აღნიაშვილის დამსახურებაა, რომ მის ნაკვალევზე არაერთი ქართველი დაინტერესებულა და გადასულა ფერებიდანში" (ც. ბერიძე, 2004, გვ. 240). ლადო აღნიაშვილმა შეადგინა ფერების ქართული სოფლების პირველი რუკა. ის ასახელებს თოთხმეტ ქართულ სოფელს: **ზემო მარტყოფი ანუ ზემო ახორა, ქვემო მარტყოფი, სიბაქი, ჭალჭალი, ჩუღურეთი,**

აფუსი/რუისპირი/რუსთავი, თოლერი ანუ დომბექამარი, ბოინი, ტაშქესანა, ახჩა, შაიურდი, ნინოშმინდა ანუ ქედუბანაქი, დეესური, შაანათი (ლ. აღნიაშვილი, 1896, გვ. 210-212).

ფერეიდნული ქართველი სეიფოლა იოსელიანი ასახელებს თხუთმეტ სოფელს: **მარტუოფი, ქ. მარტუოფი, სიბაქი, ჭალჯაყი, ჩულურეთი, აფუსი, თოლელი (იგივეა თელავი), ბოინი, დაშქესანა, ახჩა, შაიურდი, ნინოშმინდა, დეესური, აღაგოლი, ბადიგანი.** ზურაბ შარაშენიძის აზრით, უფრო სანდოა სეიფოლა იოსელიანის მონაცემები, რამდენადაც იგი ფერეიდნული ქართველი იყო და კარგად იცნობდა ამ მხარეს (ზ. შარაშენიძე, 1979, გვ. 110).

1923-1929 წლებში ირანში იმყოფებოდა ამბაკო ჭელიძე, რომელიც მუშაობდა თეირანის საბჭოთა ბანკში. ამ პერიოდში მან ინახულა ფერეიდანი და გაიცნო იქაური ქართველები. ამბაკო ჭელიძე ქართველებით დასახლებულ თხუთმეტ სოფელს იხსენებს: **ზ. მარტუოფი, ქ. მარტუოფი /ახორე ფაინი, სიბაქი, ჭალჯაყი, ჩულურეთი (ჩულრუთი), აფუსი/რუისპირი, თოლეი/თელავი/დომბექამარი, ბოინი, დაშქესანა, ახჩა, შაიურდი /შავსოფელი, ნინოშმინდა ანუ ქუდგუნაქი, ბადიგანი, დარბენდი, სარდაბი.**

იური მარის მონაცემებით, ფერეიდანში თორმეტი ქართული სოფელია: **ზ. მარტუოფი, სიბაქი, ჭალჯაყი, ჩულურეთი, აფუსი, დომბექამარი, ბოინი, ტაშქესანა, ახჩა (ახრაი), შაიურდი, ხამის ლიანი, უზუნ ბულაყი.**

მოტანილი ცნობებიდან ჩანს, რომ ამა თუ იმ მოგზაურს თუ მკვლევარს ისეთი სოფლებიც აქვს დასახელებული, რომელიც სხვაგან არ არის მოხსენიებული. ლადონ აღნიაშვილი ასახელებს სოფელ **შაანათს**, სეიფოლა იოსელიანი ასახელებს — **აღაგოლს**, ამბაკო ჭელიძე ასახელებს — **დარბენდს და სარდაბს**. იური მარიც გვაძლევს ორ განსხვავებულ სახელწოდებას — **ხამის ლიანი და უზუნ ბულაყი;** რაზმარასთან ორი ახალი სოფლის სახელს ვხვდებით — **დაუგანი და შეშავანი.** ზურაბ შარაშენიძე გაანალიზებულ მონაცემებზე დაყრდნობით აკეთებს ასეთ დასკვნას: იმის გამო, რომ ხშირად ერთსა და იმავე დროს სოფელს სხვადასხვა ორი, თუ ზოგჯერ სამი სახელიც ერქვა, შესაძლებელია ერთი და იგივე სოფელი სხვადასხვა სახელით აქვთ მოცემული ავტორებს. მაგალითად, ლადონ აღნიაშვილის დროს ერთ სოფელს სამი სახელწოდება ჰქონია: **აფუსი, რუისპირი და რუსთავი;** ამბაკო ჭელიძესთან **სოფელი თოლეი, თელავად და დომბექამარადაც** იწოდება და სხვა (ზ. შარაშენიძე, 1979, გვ. 112).

ზურაბ შარაშენიძის მონაცემებით ქართულად ლაპარაკობენ ათ-თორმეტ სოფელში. ეს სოფლებია: **ზემო მარტუოფი, ქვემო მარტუოფი, სიბაქი (გაშლოვანი), ჭალ-ჭაყი, ჩულრუთი (ჩუგიურეთი, ჩულურეთი), აფუსი (რუისპირი), დომბე ქამარი, (თელავი, თოლული), ბოინი, დაშქესანა, შაიურდი, ქუდგუნაქი (ნინოშმინდა), ბადიგანი (ბადეჯანა).**

ზურაბ შარაშენიძე შენიშვნას: ზოგიერთ სოფელში, ქართველების გარდა, სხვა ეროვნების წარმომადგენლებიც ცხოვრობენ. ხშირია ისეთი შემთხვევა,

როცა ფერეიდანის სოფელი არ ითვლება ქართულ სოფლად, მაგრამ იქ რამდენიმე ოჯახი არის ქართული. ქართველები გაბნეულია ამ რაიონის ბახთიარების თუ ქურთების სოფლებშიც (ზ. შარაშენიძე, 1979, გვ. 113).

მოგვიანებით, 1998 წლის აგვისტოში ქართველ ენათმეცნიერებს — თედო უთურგაიძესა და დარეჯან ჩხეიძიანიშვილს საშუალება მიეცათ ემოგზაურათ ფერეიდანში და ადგილზე დაკვირვებოდნენ თორმეტი ქართული სოფლის მეტყველებას. ეს სოფლებია: **მარტყოფი, სიბაქი ანუ ვაშლოვანი, ჯაყჯაყი, ჩუღლუჟთი (ჩუღლურეთი), შაჰრაქი, ხუნვი, ხოვანი, დაშქესანი, ბოინი, ახჩა, თორელი ანუ თელავი, აფუნი ანუ რუსბირი** (დ. ჩხეიძიანიშვილი, 2012, გვ. 172).

ლადო აღნიაშვილის შეფასებით, ფერეიდნელები “ჩინებულად ლაპარაკობენ ნამეტნავ რამდენიმე სოფელში. როგორც წუნი არ დეელვის ჩვენ მიერ ქართულ ლაპარაკს ხევსურისას, ქიზიყელი გლეხისას ანუ რომელიმე ტეტია სოფლელისას ქართლ-კახეთის კუთხე-კუნჭულებიდან, აგრეთვე წუნს ვერ დაუდებთ იქაური ქართველების ლაპარაკს. აქცენტი მათ ლაპარაკში სწორედ ისეთივეა, როგორც ჩვენებური სოფლელი გლეხისა ნამეტნავ ქიზიყელისა და ხევსურისა (ფშავისა). და საკვირველი ის არის, რომ ეს აქცენტი მარტო ქართულ ლაპარაკში აქვთ ასეთი” (ლ. აღნიაშვილი, 1896, გვ. 218).

ამ მხრივ საინტერესოა ლადო აღნიაშვილის ფერეიდნელ ქართველთან საუბრის ჩანაწერი: “- ბიჭო, ეი! შენ ვინ ხარ, გურჯი ხარ? - ჲო, გურჯი ვარ! მაგრამ შენ ვინა ხარ? ჩვენებური სად იცი? - მეც გურჯი ვარ, გურჯისტანიდან მოვალ თქვენს სანახავად. - იი, გურჯი კი არა! - ჲო, მართლა გეუბნები - მიუგო ლადომ. მაშ გურჯი ხარ?”. მას შეუნიშნავს ფერეიდნელული მეტყველებისათვის დამახასიათებელი ჭ-ბგერა (ჭლილი, ჭორცი), ჩი თანდებული (სახლჩი), ყე ნაწილაკი (უთხრაყე) და წვიდის, მოვიდის ფორმები (ლ. აღნიაშვილი, 1896, გვ. 210-212).

ფერეიდნული მეტყველების თავისებურებას წარმოაჩენს 1968 წელს ზურაბ შარაშენიძის მიერ ფირზე ჩაწერილი ფერეიდნელების საუბარი: “შე ვარ მუხთარა... სოფელჩი დაბადებული, სამი წელია ოთხი წელია თეირანჩი ვცოცხლოფ, მივდივარ მუშოობ. მუშოობა ჩინთვის ძალიან ვიღონებით, ვიღონებით რო არ ითქმის ადვილათ, არც წერა არც კითხუა, პარსული წერა-კითხუა ცოტათი ვიცით, ქართული არცრა ვიცით”... შარშა და შარშანწინ, რო ჩინ ბიჭები გამოიდე საქართველოსაყე, გამოიტანეს და ჩინ ერთრამე ეხლა ვსწავლობთ და ვკითხობთ....” (ზ. შარაშენიძე, 1979, გვ. 102).

ზურაბ შარაშენიძე დაკვირვებით ყე ფერეიდნულში რამდენიმე მნიშვნელობით იხმარება. იგი წარმოადგენს თანდებულს, რომელიც მოითხოვს ნათესაობით ან მიცემით ბრუნვას და მნიშვნელობით ხშირად უდრის **-კენ (-დან)** თანდებულს. მაგ.: “ამოილე კიბისაყე ფული” (გვ. 158); “ისენი იყვნეს ასი კაცი, ჩინც ვიყნევით **მარტყოფაყე** და სიბაქისაყე და **ჯაყჯაყისაყე**, ასი მეტი [მყვანდა თან]” (იქვე, გვ. 155).

ზოგჯერ **-ყე** დასტურდება **-კენ** თანდებულის მნიშვნელობით. **-კენ** თანდებულის მნიშვნელობით გამოყენების შემთხვევაში **-ყე** დაკვშირებულია გარე-კახურისა და ინგილოურის **-ყე/-კენ** თანდებულთან (არნ. ჩიქობავა, 2010, გვ. 25). მაგ.: “ჭმა მოიოდა, რო მივიხედეთ **სოფელსაყე**” (იქვე, გვ. 163).

-ყე ნაწილაკი ზნებთან იხმარება სიტყვებისა თუ წინადადებების ურთიერთკავშირის გამოსახატავად. მაგ.: “**წელოყე** წყაროზე სუფრათ და

მეტილაყე, მეტანაყე, ენთოუე, ჩარსაგანაგები დეცელაყე” (გვ. 156). -ყე ნაწილაკი გამოხატავს ობიექტის მრავლობითობას. მაგ.: “ემათ ჸეონდაყე ერთი ბაიტა შავი სახლი” (იქვე, გვ. 184). -ყე ნაწილაკი გამოყენება ხოლმეობითის გამოსახატავად. მაგ.: “როდესაც დრო გქონდა, შემთიყრებითუე ქართველები და სულ საქართველოზე ვლაპარაკობთ (იქვე, გვ. 143); “ეს ყეინის ყორი ასწავლიდისე” (იქვე, გვ. 184); “ზარ დღეთ შოიტანისე” (იქვე, გვ. 184).

ენათმეცნიერული თვალსაზრისით მნიშვნელოვანია ზურაბ შარაშენიძის მიერ გაანალიზებული ლექსიური ერთეულები. აღსანიშნავია, ზოგი სიტყვის ფონეტიკური ცვლილება. მაგ.: “ბუზუკი” (ბუზი), “სტაფილი” (სტაფილ), “ბაყაყი”, “ბაბაყუა” (ბაყაყი), “გეგრა”, “გუგურა” (გოგრა), “ალვი” (ალი ცეცხლისა), “ცქვიტინება” (ცხვირის დაცემინება), “გაიმტვრა” (გაიქცა)...

ფერეიდნულში დასტურდება ბევრი ისეთი ქართული სიტყვაც, რომლის მნიშვნელობაც დასუსტებული ან სრულიად გამჭრალია დღეს. მაგალითად, “ფეხი” ფერეიდნულში მეორე ცოლს აღნიშნავს. ერთ ფერეიდნელ ქალს ამბაკო ჰელიძისათვის უთქვამს: “— მე ფეხი მყავ”. ამბაკოს ვერ გაუგია “ფეხის” მნიშვნელობა, მაგრამ შემდეგ გამორკვეულა, რომ ეს ქალი უშვილო ყოფილა და მის ქმარს მეორე შეურთავს.

ყურადღებას იქცევს ასის მომდევნო ციფრების გამოთქმა. 1925 წელს იური მარი ისფაპანში შექვედრია ერთ ფერეიდნელ ქართველს სახელად “მეთალიას”. მას დაუხასიათებია ზემო მარტყოფი და ბოლოს უთქვამს: ამ სოფელში დაახლოებით “თექვსმეტ ხელად ასი” კომლი (ათას ექვსასი კომლი) ცხოვრობსო. იური მარს გაპევირვებია და უკითხავს, სხვანაირად ხომ არ გამოთქვამთ ამ ციფრსო, მას უბასუნებია: თქვენებურადაც შეიძლება: “ათასი და ექსასი”-ო (ი. მარი, 1936, გვ. 58).

ლადო აღნიშვილს საგანგებოდ შეუკრების ფერეიდნელი ქართველების გვარები: **აღიანი, ბათუანი, ბასილაანი, ბურციაანი, გორგინაანი, გუგუნაანი, გულიანი, დარისბანაანი, ელარზააანი, ვარდიააანი, ზეკოკიაანი, თამაზიაანი, თარვერდააანი, სეფიაანი, სულიკაანი, ფოცხვერაანი, ქევსიაანი, ქურდაანი, შიშიაანი, ხადიკოიაანი, ხატიკაანი, ხუციკიაანი ...** (ლ. აღნიშვილი, 1896, გვ. 218-219).

ფერეიდნელებს დღემდე შემორჩათ ქართული ანდაზები, იგავ-არაკები, გამოთქმები, თუმცა ზოგიერთ მათგანს შეუცვლია თავისი სახე, ან კიდევ მათი მსგავსი ქართულში ძნელად მოიძებნება. მაგ.: “ზელი ხელს დაიბანს, ხელი დაბრუნდების პირს დაიბანსო (ხელი ხელს ჰებანს ორივე პირსაო)”; “ზარი რო ვერა ხნავს, გინდა ერთი ქილა დაოთესე, გინდა ასი ქილა (როცა ხარს ხვნა არ შეუძლია, გინდა ცოტა მოახვნევინე, გინდა ბევრი, სულ ერთია კარგ შეღებს არ მოგცემსო)“ (ზ. შარაშენიძე, 1979, გვ. 107-108).

ფერეიდნულმა ქართულმა გარკვეული ცვლილება განიცადა; თვალში საცემია სპარსული ლექსიკა და სინტაქსური კალკები. ხშირია ჩვეულებრივ საუბარში სამეტყველო კოდთა გადართვის შემთხვევები. მაგალითად, შეხვედრის დროს ფერეიდნელი მოგესალმებათ და გეტყვით - “აპვალი როგორ გაქ?“ (აპვალი ნიშნავს “მდგომარეობას”, “ჯანმრთელობას” ე. ი. “როგორ ბრძანდებითო“). ან კიდევ, - “ხომ ნამაი ხარ?“ (ნამაი-ლამაზი) - ხომ ლამაზად, კარგად ხარო.). “ვაყოთი არ გაქს? (ვაყოთი-დრო)- დრო არ გაქვსო?“. “ფერეიდანი

დიდი შაჰრია (შაჰრი-ქალაქი, მხარე)“ ფერეიდანი დიდი ქალაქი, მხარეაო (ზ. შარაშენიძე, 1979, გვ. 99). ფერეიდნელისათვის აუცილებელია სახელმწიფო ენის ცოდნა, სპარსული ენა მის ცხოვრებაში დიდ როლს ასრულებს.

ზურაბ შარაშენიძის დაკვირვებით, ფერეიდნული მეტყველება არ არის ერთგვაროვანი, განსხვავება შეინიშნება სოფელსა და სოფელს შორის. მაგალითად, თუ ერთ სოფელში ამბობენ “ჩირდილი” (ჩრდილი), სხვაგან იტყვიან “ჭოლდა-ო”. დარეგან ჩხუბიანიშვილი აღნიშნავს, რომ რიგი თავისებურებების საფუძველზე გამოიყოფა ზემო და ქვემო ფერეიდნული, რომელიც შეესაბამება ამ რეგიონის გეოგრაფიულ მდებარეობასა და ამმინისტრაციულ დაყოფას. ის ზემო ფერეიდნულს უწოდებს ზემო მარტყოფის, სიბაქის, ჯაყაყის, ჩულრუთის მეტყველებას, ხოლო ისბაპანისაკენ მიმავალ გზაზე მდებარე სოფლების დაშქესანის, ბოინის, ახას, თორელის, სოფანის მეტყველებას - ქვემო ფერეიდნულს (დ. ჩხუბიანიშვილი, 2012, გვ. 172-173).

ამრიგად, ქართველ მოგზაურთა სხვადასხვა დროს ჩაწერილი ტექსტები და ზურაბ შარაშენიძის მიერ გაანალიზებული მასალები საშუალებას გვაძლევს, ქრონოლოგიურად დავაკირდეთ ფერეიდნულ მეტყველებას და თვალი მივადევნოთ გარკვეული ისტორიული, ეკონომიკური, პოლიტიკური და კულტურული ვითარებით განპირობებულ მასში მიმდინარე ცვლილებებს.

დამოწმებული ლიტერატურა

ლ. აღნიაშვილი, 1896 - ლ. აღნიაშვილი, სპარსეთი და იქაური ქართველები, ტფ., 1896.

ც. ბერიძე, 2004 - ც. ბერიძე, ლადო აღნიაშვილი და ფერეიდნელი ქართველები: კლასიკური და თანამედროვე ქართული მწერლობა, №7, თბ., 2004.

“დროება”, 1872 - გაზეთი “დროება”, №13, 1872.

“დროება”, 1876 - გაზეთი “დროება”, №120, 1876.

ი. მარი, 1936 - იუ. ნ. Mapp, Статьи сообщения и резюме докладов, I, М-ლ, 1936.

“სახალხო ფურცელი”, 1916 - გაზეთი “სახალხო ფურცელი”, №601, 1916.

ზ. შარაშენიძე, 1969 - ზ. შარაშენიძე, ახალი მასალები ფერეიდნელი ქართველების შესახებ, თბ., 1969.

ზ. შარაშენიძე, 1979 - ზ. შარაშენიძე, ფერეიდნელი “გურჯები”, თბ., 1979.

არნ. ჩიქობავა, 2010 - არნ. ჩიქობავა, ყე- ნაწილაკი ფერეიდნულში და მისი მნიშვნელობა გრამატიკა-ლოლიკის ურთიერთობის თვალსაზრისით: შრომები, I, თბ., 2010.

დ. ჩხუბიანიშვილი, 2012 - დ. ჩხუბიანიშვილი, ფერეიდნული კილოს შესწავლის ამჟამინდელი მდგრმარეობა: საენათმეცნიერო წერილები, თბ., 2012.

ა. ჭელიძე, 1935 - ა. ჭელიძე, ფერეიდნელი ქართველები, თბ., 1935.

ზ. ჭიჭინაძე, 1995 - ზ. ჭიჭინაძე, ქართველები სპარსეთში და საქართველოში მოსული სპარსელი ქართველი ათამ ონიკაშვილი, ტფ., 1995.

MARIAM KOBERIDZE

FEREYDANI VERBAL SPEECH IN GEORGIAN TRAVELERS' RECORDS (ZURAB SHARASHENIDZE "FEREYDANI GEORGIANS")

Zurab Sharashenidze's book "Fereydani Georgians" was published in 1979. It gives us the important information about the Georgians who moved to Fereydan when the first information about them appeared, and it also describes the life and language of Georgians, living in the villages near Fereydan. The book contains the materials gathered by the Georgians, travelling to Fereydan at different times. Most of the information has become a bibliographical rarity. The samples of the language of Fereydani Georgians are scattered in different articles and books. Their majority has become the bibliographical rarity. The texts are placed in the appendix of the paper (except the ones that have been published recently). A small vocabulary is also given there, where the explanation of some modified Georgian words and Persian expressions is provided.

The Fereydani texts, recorded by Lado Aghnashvili, Ambako Tchelidze and Zurab Sharashenidze deserve big interest. It is important to get acquainted with the work and language samples of the following Fereydani Georgians: Iotam Onikashvili, Kolam – Reza Khutishvili, Kolam – Hosein Onikashvili and SeipolaI oseliani.